



INATSISARTUT

Aningaasaqarnermut Naalackersuisoq

Ulloq: 7. december 2012

J.nr.: 01.31.06/12-00610

Aningaasaqarnermut Akileraartarnermullu Ataatsimiititaliap sisamangornermi ulloq 6. december 2012-imi aalajangiineranik Naalackersuisunut ilisimatitsineq (suliaq nr. 01.31.06/12-00610)

Immikkut siunnersuisarnissaq suliffeqarfinnut kalaallinit pigineqartunut aatsitassarsiornermut suliassanullu angisoorsuarnut suliassaqarfimmi pilersuisunngornissamik kissaateqartunut sammitinneqartoq pillugu Rambøll Grønland A/S-imut kiffartuunneqarnissamut isumaqatigiissummut 2012-imi aningaasanik atorneqanngitsoortunik 2013-imut nuussinissamut ilassutitut aningaasaliissuteqarnissamik qinnuteqaat

Naalackersuisut **inassutigaaat**,

- kontomut pingaarnermut 64.10.17-imut, Nunami inuussutissarsiutinut takornariartitsinermullu tapiissutitut tunngasumi, oqaasertaliussaq nr. 4 akuerineqassasoq.

Aningaasaqarnermut Ataatsimiititaliap oqaaseqaatai

Konto pingaarnermut 64.10.17-imut, nunami inuussutissarsiutinut takornariartitsinermullu tapiissutitut tunngasumut, ima oqaasertaliussisoqassasoq Naalackersuisut qinnutigaaat:

"Nr. 4

Kontomi pingaarnermi matumani suliffeqarfinnut kalaallinit pigineqartunut aatsitassarsiornermut aamma suliassanut angisoorsuarnut suliassaqarfimmi pilersuisunngornissamik kissaateqartunut sammititamik immikkut siunnersuisarnermut aningaasanik atorneqanngitsoortunik, 2012-imut atuinikinnerussutaasunik 2013-imut nuussinissamik Naalackersuisut piginnaatinneqassasut."

Konto pingaarnermut 64.10.17-imut oqaasertaliussamut nassuiaat una ilanngunneqassasoq qinnutigineqarpoq:

"Nr. 4

Kontomi pingaarnermi matumani 2012-imi aningaasanik atorneqanngitsoortunik nuussisinaanissaq pillugu oqaasertaliussamik ilanngussinikkut, kiffartuunneqarnissamut isumaqatigiisutitut piffissap isumaqatigiisuteqarfiusup 2012 – 2013-ip ingerlanerani tamakkiisumik atugassanngortitsisinaanissaq qinnuteqaatigineqarpoq. Nuussisinaanissaq

qinnuteqaatigineqartoq taamaallaat ukiut aningaasaliiffiusut 2012-ip aamma 2013-ip akornanni atuutissaaq.

Suliffeqarfinnut kalaallinit pigineqartunut, aatsitassarsiornermut aamma suliassanut angisoorsuarnut suliassaqarfimmi pilersuisunngornissamik kissaateqartunut sammititamik immikkut siunnersuineq pillugu Rambøll Grønland A/S-imut ukiunut marlunnut kiffartuunneqarnissamik isumaqatigiissuteqartoqarpoq.

Oqaasertaliussaq nutaajuvoq.”

Oqaasertaliussap oqaasertaliussamullu nassuiaatip matumani pineqartut ilanngunneqarnissaat ukioq manna sooq siusinnerusukkut Naalakkersuisunit qinnutigineqarsimannginnersoq ataatsimiititaliamit tupigusuutigineqarpoq, tassami kiffartuussinissaq pillugu Rambøllimut augustimi isumaqatigiissuteqarnermi Naalakkersuisunit ilisimaneqalereermat ingerlatassat isumaqatigiissummi ilaatinneqartut arlallit aatsaat 2013-ip ingerlanerani piviusunngortinneqarsinnaasut. Taamaattumillu suliaq una pillugu Kukkuersiuinermut Ataatsimiititaliaq Aningaasaqarnermut Ataatsimiititaliamit ilisimatinneqarpoq. Kiffartuussinissaq pillugu isumaqatigiissutaareersup tamakkiisumik atugassanngortinneqarnissaa eqqarsaatigalugu aningaasat 2012-imi atorneqanngitsut immikkut illuinnartumik 2013-imut nuunneqarsinnaanissaat naapertuussorinarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Ataatsimiititaliaq sinnerlugu

Olga P. Berthelsen
Siulittaasup tullia

Assilineri:

- Kukkuersiuinermut Ataatsimiititaliaq